

登刀梯歌序頌謝表

唐大曆三年戊申之歲十月二十八日。奉勅於章敬寺建道場。時有江東沙門崇惠。登刀梯。昇劍樹。涉油炭鑊。坐錐劍床。是日也百宮星馳。萬人雲集。莫不驚魂歎未曾有。釧稽首翹足而為歌曰。

百尺凌空倚劍梯 千峯迴拔接天霓
鑿鑿霜明鳥道齋 龍泉金鑲生虹蜺
刀為樹劍作山 應真飛錫遊其間
一步一登揮手攀毛 七星璨爛光斑斑
干將劍刃兩離披碧光焰
上人履之不為嶮
鑊耶刀鋸鋒銳鏢可吹毛
如今蹈之不足勞
白若雪青如水 龜甲魚鱗幾百層
四部覩之戰戰兢兢 萬仞峯頭見一僧
寶鐵文青蛇色 葍[卅/竦]崢嶸寒岌岌
不傷不損難可測 方是大悲解脫力
自古武臣矜劍術 舞之投之皆不失
視之膽攝身慄慄 誰道揮戈移白日
李廣舊傳百戰功 何如今日見神通
紫衣襜褕飛入空 出沒縱橫白刃兮
光翡翠黯黯 精光和能利

崇惠登刀梯頌(并序)

自漢明感夢騰蘭裂見網於雒陽秦主懷疑羅什顯寶鏡於瓶內。傅弈辭誥著辨正之文琳。崇惠催邪顯神用於章敬。其事相也玄聳木百尺。上有二層。寶刃交羅。金鈴四繞。炎爐八甬。池飾蓮荷。鋸座毒鋒並布欄楯之內。是日也天瑩增明。風塵不起。凝霜聚散。日氣和暄。于時勅賜法衣。親使監覩。國師宰輔。文武雄班。隣國弼諧。龍象法侶。黃冠朱屨眾類同赴法筵。土席盈衢。側足瞻顧。佛聲震發聞于十方。眾寶爐煙如雲如蓋。於是手摧劍樹。脚碎刀林。猛焰烟然。於中來往。池敷坐具。似涌蓮蓮開。眾毒攢鋒。遍行收食。僧儀不墜。澡嗽散之。大眾咸欽歎未曾有。僕親觀盛事。喜不自勝。同沐慈雲。賴霑美澤。火炬高舉破闇暝山。開豁濁流。歸乎法海。頌曰。

大哉正覺 神力難思 夢感明帝
騰蘭降輝 群邪捨執 稽首歸依
秦殿鏡寶 瓶顯降疑 傳弈辭諂
辨正摧之 沙門崇惠 止毀排非
水火刃毒 對驗希奇
善哉一期之盛事 將來千載而不移